

易

林

註

易林卷第二

䷄

乾上  
坎下  
需

久旱三年草木不生  
粢盛空乏無以  
供靈

說文粢盛黍稷在器中以祀者也  
之乾

火滅復息君明其德  
仁人可遇身受  
利福

無註

坤

溫山松栢常茂不落鸞鳳以庇得其

歡樂

無註

屯

西誅不復恃強負力倍道趨敵師徒

敗覆

按史記楚項梁西擊秦破章邯引  
兵至定陶再破秦軍項羽沛公大  
破秦兵於雍斬李由梁益輕秦有  
驕色宋義諫弗聽秦悉起兵益章  
邯擊楚軍大破之定陶項梁死焉

蒙

三塗五嶽陽城太室神明所伏獨無  
兵革

三塗山名在河南伊闕縣陽城山  
谷名在嵩山下太室山名

訟

二牛生狗以戌爲母荆夷上侵姬伯  
出走

二牛一作三年一作三馬生駒見  
否之姤

師

見遊江海役行千里以爲死亡復見  
空素長主凶憂

無註

比

太一駕騶從天上求徵召叔季封爲  
魯侯無有凶憂

太乙星名成王封周公之子伯禽  
於魯

小畜

絳績獨居寡處無夫陰陽失志爲人  
僕使

無註

履

兵征大宛北出玉門與胡寇戰平城  
道西七日絕糧身幾不全

大宛國名玉門關名

冒頓單于

圍漢高祖於白登七日用陳平秘  
計厚遺閼氏說冒頓解圍

秦

楚靈暴虐罷極民力禍起軋谿弃疾  
作毒扶伏奔逃死申亥室

楚靈王汰侈已甚成章華之臺至  
狩于州來次于軋谿公子比作亂  
遂縊于芋尹申亥氏



否

雌單獨居歸其本巢毛羽憔悴志如

死灰

無註

同人

兩矛相刺勇力鈞敵交綏結和不破

不缺

無註

大有

乘船渡濟載水逢火賴幸免患蒙我  
生全

無註

謙

喪寵溢尤政傾家覆我宗失國秦滅  
周室

無註

豫

冬無藏冰春陽不通陰流爲賊國被其殃

無註

隨

田鼠野雞意常欲逃拘制籠檻不得動搖

無註

蠶

佩玉蘂兮無所繫之旨酒一盛莫與  
笑語孤寡獨特常愁憂苦

無註

臨

沒遊原口求鮫爲寶家危自懼復出  
生道

無註

觀

河水孔穴壞敗我室水深無岸魚斃魚

傾側

無註

噬嗑

教羊牧兔使魚相捕任非其人費日

無功

無註

賁

升戶入室就溫燠食水凍北陸不能  
相賊

無註

剥

孤竹之墟老婦無夫傷於蒺藜不見  
少妻東郭崇姜武氏破亡

孤竹國名易繇曰困于石據于蒺

藜入于其宮不見其妻凶崇姜齊  
崇公之妻東郭偃之姊也武氏崔  
武子杼見左傳

復

凶憂災殃日益明章福不可釐三郤  
瘕傷

按春秋三郤晉大夫郤錡郤犇郤  
至成公十七年晉厲公侈多外嬖

欲盡去群大夫而立其左右遂殺

三郤

無妄

戴璧秉珪請命于河周公作誓冲人

瘳愈

初成王少時病周公乃自揃其蚤

沈之河以祝於神曰王少未有識

奸神命者乃旦也王病有瘳

見史記



大畜

鳥升鵠舉照臨東海  
尤降庭堅爲陶  
叔後封圻英六履祿綏厚

尤降庭堅皆顓頊之後  
即舜舉八  
愷之列

頤

危坐至暮請求不得  
膏澤不降政戾  
民忒

無註

大過

宜昌娶婦東家歌舞燕樂有序長樂

嘉喜

無註

坎

鑿井求玉非卞和寶名困身辱勞無  
所得

楚卞和得玉獻懷王王以爲欺刖其一足懷王死子平王立和復獻其王又以爲欺刖其一足平王死子荆王立和復獻之恐復見害乃抱其璞而哭晝夜不止涕盡續之以血荆王遣問之於是和隨使獻玉王使剖之中果得玉

離

鵠思其雄欲隨鳳東順理羽翼出次  
須日中留北邑復反其室

無註

咸

早霜晚雪傷害禾麥損功弃力飢無  
所食

無註

恒

蝙蝠生子深目黑醜雖飾相就衆人  
莫取

蝙蝠即蝙蝠也又名仙鼠又名眼  
翼

逐

去如飛鴻避凶直東遂得全脫與福  
相逢

無註

大壯

婚姻合配同枕共牢以降嘉休子孫  
封侯

無註

晉

咸陽辰巳長安戌亥丘陵生止非魚  
鱖市不可辟阻終无悔咎

無註

明夷

螟虫爲賊害我五穀簞食空虛家無  
所食

螟食苗心者害苗之虫也

家人

謀恩拜德東歸吾國慷慨歡笑歡樂  
有福

無註

睽

齎貝贖狸不聽我辭繫於虎鬚牽不  
得來

無註

蹇

比目附翼歡樂相得行止集周終不  
離忒

比目魚也附翼比翼鳥也



解

一指食肉口無所得染其鼎乃鼎舌饒  
於腹

左傳鄭公解黿召子公而弗與子  
公怒染指於鼎嘗之而出

損

曳綸江海釣挂魴鯉王孫利德以鄉食  
仲友

益

詩小雅六月篇我行永久飲御諸  
友包鱉鱠鯉侯誰在矣張仲孝友

商紂牧野顛敗所在賦歛重數黎元  
愁苦

牧野商郊武王伐紂戰于牧野敗  
紂師于此

夫

北辰紫宮衣冠中立含和建德常受  
天福

北辰北極天之樞也

姤

輕戰上勇不知兵權爲敵所制從師  
北奔

無註

萃

大口宣唇神使仲言黃龍景星出應  
德門與福上天天下安昌

禹渡江黃龍負舟景星一名德星

升

凶子禍孫仗劍向門凶訟謹囑驚駭  
我家

無註

困

祝伯善言能事鬼神拜辭萬歲使君  
延年

祝伯即祝鮀掌宗廟祭祀之官孔  
子稱其巧佞

革

昧旦乘車履危陷溝亡失羣襦摧折  
兩軸

史記漢臨江王徵還京發車軸折

井

珪璧琮璋執贄見王百里甯越應聘  
齊秦

百里奚事秦甯越事齊

鼎

膠著木連不出牛欄斯享羔羊家室  
相安

無註

震

卷領遁世仁德不舍三聖攸同周國  
茂興

三聖大王王季文王也

艮

黍稷苗稻垂秀方造中旱不雨傷風  
枯槁

無註

漸

冠帶南遊與福喜逢期於嘉貞拜爲  
公卿

無註

歸妹

一巢九子同公共母柔順利貞出入  
不殆福祿所在

無註



豐

韓氏長女嫁於東海宜家富主柔順  
以居利得過倍

無註未詳

旅

因禍受福喜盈我室所願必得

無註

巽

晉平有疾迎醫西秦國病乃大患分爲  
二豎逃匿膏肓和不能愈

春秋成公十年春晉侯求醫西於秦  
秦伯使醫緩爲之未至公夢疾爲  
二豎子曰彼良醫也懼傷我焉逃  
之其一曰居肓之上膏之下若我  
何醫至曰疾不可爲也在肓之上  
膏之下攻之不可達之不及藥不

至焉不可爲也

允

杜飛門啓患憂大解修福行善不爲  
身禍

修福行善一作去老乘馬見同人  
之央

渙

追亡逐北至止而得稚叔相呼反其

室廬

無註

節

鳥鳴廐端一呼三顛搖動東西危慄  
不安疾病無患

無註

中孚

龍化爲虎太山之陽衆多從者莫敢

救箴

無註

小過

焱風忽起車馳揭揭  
棄名追亡失其和節  
憂心忪忪

揭起竭切忪竹律切

既濟

遊居石門祿安身全受福  
西鄰歸飲

玉泉

石門地名論語云子路宿於石門

未濟

登高上山見王自言申理我讒得職

蒙恩

無註

三三

坎下  
乾上  
訟

文巧俗弊將反大質僵死如麻流血

濡橐皆知其母不識其父干戈乃止

無註橐音魯

之乾

文王四乳仁愛篤厚子畜十男夭折  
無有

按韻府群玉引淮南子云文王有  
四乳

坤

日入望東不見子家長女無夫左手

搔頭

無註

屯

東上太山見堯自言申理我冤以解

憂患

無註

蒙



奎軫溫湯過角宿房宣時布和無所  
不通

奎軫角房皆宿名

需

引船牽頭雖拘無憂王母善禱禍不  
成災

無註

師

鳬得水沒喜笑自啄毛羽悅懌利以  
攻玉公出不復伯氏客宿

無註

比

水流趨下欲至東海求我所有買魴  
與鯉足關路止

無註

小畜

獐鹿逐牧安飽其居反還次舍無有疾故

無註

履

樹植藿雀豆不得芸鋤王事無盥秋無所收

無註

泰

弱水之西有西王母生不知死與天  
相保

書弱水既西柳宗元曰西海之山  
有水散渙無力不能負芥

否

數窮廓落困於歷室卒登玉堂與堯  
侑食

按史舜微時耕於歷山堯舉而任

之加諸上位

同人

子鉏執麟春秋作元陰聖將終尼父  
悲心

左傳哀公十四年春西狩於大野  
叔孫氏之車子鉏商獲麟孔子作  
春秋

大有

尹氏伯竒父子生離無罪被辜長舌  
所爲

伯竒尹吉甫之子父娶後妻而譖  
伯竒於吉甫父逐之言無罪而見  
逐皆後母長舌所爲也

謙

蟠枚折枝與母別離九臯難扣絕不  
相知

無註

豫

弱雞無距與鵠格鬪翅折目盲爲鳩  
所傷

無註

隨

甲乙丙丁俱歸我庭三丑六子入門  
見母

無註

蠱

桑葉螟蠹衣弊如絡女功不成絲布

爲玉

無註

臨

關牢闢門廵狩釋寃夏臺姜里湯文

悅喜



湯囚夏臺文王拘羑里至後皆有天下

觀

欽明之德坐前玉食必保嘉美長受安福

無註

噬嗑

武夫司空多口爭訟金火當戶民不

安處年飢無有

無註

賁

紫閣九重尊嚴在中黃帝堯舜履行  
至公冠帶垂裳天下康寧

無註

剥

負牛上山力劣行難烈風雨雪遮遏

我前出道復還憂者自歡

無註

復

蹇兔缺唇行難齒寒口病不言爲身

生患

無註

无妄

合體比羽翼嘉偶相得與君同好使我

有福

無註

大畜

口啄卒卒憂從中出喪我寶貝妻妾

失位

無註

頤

兩心不同或從西東明論中日莫適

相從

無註

大過

啞啞笑言與善飲食長樂行觴千秋  
起舞拜受大福

無註

坎

初憂後喜與福爲市八佾列陳飲御

嘉友

八佾舞列也古者天子舞八佾

離

西徙無家破其新車王孫失利不如

止居

無註

咸

鳳凰在左麒麟處右仁聖相遇伊呂

卷二  
集聚時無殃咎福爲我母

無註

恒

甌脫康居慕仁入朝湛露之歡三爵  
畢恩復歸舊廬

區脫與甌脫同土室也胡人候望  
處出匈奴傳康居國名湛露天子  
燕諸侯之詩

遜

疾貧望幸使伯行販關牢擇羊多得  
大牂一云疾貧望幸賈販市井

無註

大壯

處高不傷雖危不亡握珠懷玉還歸  
其鄉

無註



晉

右手棄酒左手牧牂行逢禮御餌得  
玉杯

箕子言紂彼爲象箸必爲玉杯

明夷

養虎牧狼還自賊傷大勇小捷雖危  
不亡

無註

家人

戴堯扶禹從喬彭祖西過王母道路  
夷易無敢難者

堯唐帝名禹姁姓喬王喬仙人彭  
祖堯時人壽至八百

睽

秋冬採巢不得鵲鷦銜指北去塊我  
少姬

無註

蹇

兩羝三牂俱之代鄉留連多難損其

食糧

無註

解

南徙無廬烏破其巢伐木思初不利

動搖

無註

損

爭訟不已更相擊劍張季弱口披髮  
北走

無註

益

延頸望酒不入我口初喜後否得利  
無有

無註

夬

被髮傾走冠逐我後亡失刀兵身全  
不傷

無註

姤

麟鳳所遊安樂無憂君子撫民世代  
千秋

麟仁獸不踐生草不食生蟲毛蟲  
之長也鳳靈鳥文王時鳴于岐山  
羽蟲之長也

萃

褰衣涉河水深漬罷賴幸舟子濟脫  
無他

無註

升

憤憤不悅憂從中出荅我金罍無妄  
失位

憤音漬

困

絆跳不遠心與言反尼父望家菡萏  
未華

史記世家孔子名丘仲尼字也

井

大壯肥牝惠我諸舅內外和穆不憂  
飢渴

詩小雅伐木篇既有肥牡以速諸  
舅按此壯當作牡

革

黃帝建元文德在身祿若陽春封爲  
魯君

無註



鼎

虎聚摩牙以待豚猪往必傷亡宜利  
止居 一云 虎厲其牙以待犬猪  
往必殘傷催敗無餘利以止居

無註

震

天地配享六位光明陰陽順序以成  
和平

周易乾卦彖曰六位時成

艮

猿墜高木不踈手足保我金玉還歸  
其室

踈音渦

漸

營室紫宮堅不可攻明神建德君受  
大福

漢天文紫宮爲皇極之居

歸妹

孤翁寡婦獨宿悲苦目張耳明無與

笑語

無註

豐

低頭窺視有所畏避行者不利酒酸  
魚敗衆莫貪嗜

販當作敗

旅

載金販狗利棄我走藏匿淵底悔折  
爲咎

無註

巽

行觸大忌與司命牾執囚束縛拘制  
於吏

無註

允

執玉歡喜佩之解纓危詳反安使我  
無患

無註

渙

機杼紛擾女巧不成長妹許嫁衣無  
襦袴聞禍不成凶惡消去

無註

節

金人鐵距火燒左右雖懼不恐獨得  
全處

無註

中孚

謝恩拜德東歸吾國舞蹈欣躍歡樂  
受福

詩序云不知手之舞之足之蹈之

小過

青牛白咽呼我俱田歷山之下可以多耕歲樂時節民人安寧

舜耕於歷山歷山之人皆讓畔

既濟

白雉群雉慕德朝貢湛露之恩使我得權

周公爲冢宰越裳氏重譯來朝獻  
白雉詩湛露天子宴諸侯之詩  
也

未濟

避患東西反入禍門糟糠不足憂愁  
我心

無註

䷆  
坤上師



烏鳴呼子哺以酒脯高樓之處子來  
歸母穡人成功年歲大有姤婦無子  
無註

之乾

一簧兩舌佞言諂語三姦成市曾母  
投杼

一簧者即詩所謂巧言如簧兩舌  
言不一也曾母曾參之母人有言

曾參殺人者曾母不信及三人言之曾母投杼下機而走

坤

春桃生花季女宜家受福且多在師中吉男爲封君

詩桃夭篇桃之夭夭灼灼其華之子于歸宜其室家

屯

殊類異路心不相慕壯牛牡獫獨無  
室家一本末句心不相下 無註

蒙

折苦蔽目不見稚叔三足孤鳥遠其  
元夫

折苦蔽目一作折若蔽曰按楚詞  
折若木以拂日兮註若木木名在  
崑崙西極其華光照下地

需

雀東求粒誤入罔域賴仁君子脫腹  
歸息

無註

訟

王孫季子相與孝友明允篤誠升擢  
家舉爲國幹輔

史記高陽氏有才子八人謂之八

愷高辛氏有才子八人謂之八元  
堯未及舉舜於是舉八愷使主后  
土舉八元使布五教

比

剗樹無枝與子分離飢寒莫食獨泣  
哀悲

無註

小畜

舜升大禹石夷之野徵詣玉闕拜理  
水土

書帝曰咨禹汝平水土惟時懋哉  
石夷未詳

履

義不勝情以欲自營見利危寵滅君  
令名

無註

泰

三人北行六位光明道逢淑女與我  
驥子

無註

否

羿張烏號彀射天狼柱國雄勇鬪死  
滎陽

羿后羿善射烏號弓名天狼獸名

同人

季姬跼蹐結衿待時終日至暮百兩  
不來

詩靜女篇靜女其姝俟我於城隅  
愛而不見搔首跼蹐

大有

鴻鴈翩翩始怨苦勞灾疫病民鰥寡  
愁憂



無註

謙

穿冑狗邦僵离旁美天地易紀日月

更始

穿冑狗邦皆外夷國名旁美一卦  
作旁舂見剥之乾

豫

北山有棗使叔壽考東嶺多粟宜行

賈市陸梁雌雉所至利喜

無註

隨

千旄旌旗撫幟在郊雖有寶玉無路  
致之

詩千旄篇子子千旄在浚之郊千  
旄以旄牛尾注於旗干之首而建  
之車後也

蠱

精潔淵塞爲讒所言證訊詰問繫於  
枳溫甘棠聽斷怡然蒙恩

詩甘棠篇召伯循行南國以布文  
王之政舍甘棠之下以聽訟焉後  
人思其德

臨

玄黃痠隤行者勞罷役夫憔悴踰時

不歸

詩卷耳篇陟彼高岡我馬玄黃又  
曰陟彼崔嵬我馬虺隤又云我僕  
痛矣云何吁矣後當作役

觀

膚敏之德發憤晨食虜豹禽說以成  
德主

史記韓信虜魏王豹又引兵擊趙

禽夏說

噬嗑

采唐沫鄉要我桑中失信不會憂思

約帶

詩桑中篇爰采唐矣沫之鄉矣唐  
菜也沫衛邑名又云期我乎桑中

賁

伯寧子福惠我邦國蠲除苛殘使季

无患

無註

剥

讒言佞雄敗亂邦國生雖忠孝敗恩

不足

無註

復

淵泉隄防水道利通順注湖海邦國

富有

無註

无妄

江南多蝮螫我手足寃繁詰屈痛徹  
心腹

無註

大畜

三人俱行別離獨食一身五心反覆

迷惑亂無所得

無註

頤

鴉鳴庭中以戒災凶重門擊柝備不  
速客

易繫辭云重門擊柝以待暴客蓋  
取諸豫豫備也

大過



功成事就拱手安居立德有言坐飾  
貢賦

書禹貢云上之所取謂之賦下之  
所供謂之貢

坎

國亂不安兵革爲患掠我妻子家中  
飢寒

無註

离

戴堯扶禹從喬彭祖西過王母道路  
夷易無敢難者

堯唐帝名禹姒姓喬王喬仙人彭  
祖堯時人壽至八百

咸

長尾蜚蛇畫地成河深不可涉絕無  
以比惆悵會息

無註

恒

乘龍從蜺徵詣北闕乃見宣室拜守  
東城鎮慰黎元舉家蒙福

未詳

遯

土與山連終身無患天地高明萬歲  
長安

無註

大壯

久旱水涸枯槁無澤虛修其德未有  
所獲

無註

晉

依天倚地凶危不至上清下淨受福  
大明君受其利

無註

明夷

火烈不去必殪僵仆燔我衣裾禍不可悔

無註

家人

配合相迎利之四鄉欣喜興釋所言得當

無註

睽

清人高子久屯外野逍遙不歸思我  
慈母

詩清人篇清人在消駟介麋麋二  
矛重喬河上乎逍遙

蹇

武庫軍府甲兵所聚非里邑居不可

舍止

無註

解

三德五才和合四時陰陽順敘國無咎災

按書六三德正直剛克柔克五才金木水火土也

損

解衣毛羽飛入大都晨門戒守鄭忽  
失家

忽鄭莊公世子莊公娶鄧曼生子  
忽又娶宋雍氏生公子突桓十一  
年莊公卒忽立四月而出奔衛

益

刖根燒株不生飢膚病在心腹日以  
焦枯



無註

夫

文山紫芝雍梁朱草生長和氣福祿  
多處

芝草論芝生於土土氣和則芝草  
生王者慈仁則有芝草生矣

姤

夕載重負弃捐于野予母誰子但自

勞苦

無註

萃

鳬鴈啞啞以水爲家雌雄相和心至  
娛樂得其歡欲

無註

升

耳目盲聾所言不通佇立以泣事無

成功

詩燕燕衛莊姜送歸妾也瞻望弗  
及佇立以泣

困

天官列宿五神所舍宮闕堅固君安  
其居

無註

井

范子妙材戮辱傷膚然後相國封爲  
應侯

范子即范雎按史記范雎初事魏  
嘗從須賈使齊齊賜雎金及牛酒  
賈知之大怒以爲雎以國陰事告  
齊故得此饋歸告魏相魏齊大怒  
使舍人笞擊雎折脅摺齒雎佯死  
置廁中雎告守者得脫變姓名後

歸秦秦以爲客卿封應侯

革

秋冬採巢不得鵲雛銜指北去慙我  
少夫

無註

鼎

子畏於匡厄困陳蔡德行不危竟脫  
厄害

孔子過匡匡人以爲陽虎而拘之  
在陳蔡絕糧言聖人道全德備雖  
遇患而不危殆也

震

鴻飛在陸公出不復仲氏任止伯氏  
客宿

詩豳風九罍篇美周公也鴻飛遵  
陸公歸不復於女信宿又詩燕燕

篇仲氏任只仲氏戴孺字也

艮

鶴鳴九臯避世隱居抱朴守真竟不  
隨時

詩鶴鳴篇鶴鳴于九臯聲聞于野  
葛玄號仙翁又號抱朴子

漸

舜升大禹石夷之野徵諸玉闕拜治

水土

書帝曰咨禹汝平水土惟時懋哉  
石夷未詳

歸妹

左輔右弼金玉滿堂常盈不亡富如  
教倉

無註

豐



崔嵬北岳天神貴客衣冠不已蒙彼  
恩德

大梁析木其神主於恒山爲北嶽  
旅

空槽注猪獷氣不到張弓祝雞雄父  
飛去

無註

巽

胡蠻戎狄大陰所積涸冰凍寒君子  
不存

無註

允

甘露醴泉太平機關仁德感應歲樂  
民安

瑞應圖王者德至於天和氣感則  
甘露降于松栢六帖云醴泉美泉

也水之精太平則出出則其政和  
平堯之時德茂清平則出

渙

惡來呼伯慎驚外客甲守閑宅以備  
凶急臨折之憂將滅無灾

惡來紂臣名即飛廉惡來也

節

日月相望光明盛昌三聖茂功仁德

大隆

三聖堯舜禹也

中孚

葛藟蒙棘華不得實諛佞亂政使恩壅塞

葛藟詩篇名蒙棘詩葛生篇云葛生蒙棘歛蔓于域予美亡此誰與獨息

小過

鄰不我顧而望玉女身多癩疾誰肯媚者

無註

既濟

精誠所在神之爲輔德教尚忠彌世  
長久三聖尚功多受福祐


三聖夏尚忠商尚質周尚文按史

記夏歷世四百七十八年商歷世  
六百二十八年周歷世八百六十  
七年

未濟

鑽木求火掘地索水主母飢渴手爲  
心禍

無註



坤下  
坎上  
比

鹿得美草鳴呼其友九族和穆不憂  
飢乏長子入獄霜降族哭

詩小雅鹿鳴燕羣臣嘉賓也呦呦  
鹿鳴食野之苹我有嘉賓鼓瑟吹  
笙

之乾

繼祖復宗追明成康光照萬國享世  
久長

周成康之際天下太平刑措四十  
餘年不用

坤

取火流泉釣魴山顛魚不可得火不

肯燃

無註

屯

麟子鳳雛生長家國和氣所居康樂



溫仁邦多聖人

麟仁獸鳳靈鳥能知安危故世治  
則出出則聖人生焉

蒙

彭名爲娛白龍作菑盜堯舜裳桀蹠  
荷兵青禽照火三日夷傷

按革之大過名作君娛作妖白作  
暴舜作衣桀作聚火作夜未詳

需

黍稷醇釀敬奉山宗神嗜飲食甘雨  
嘉降庶物蕃殖獨蒙福祉

詩楚茨首章云我乘與與我稷翼翼我倉旣盈我庾維億以爲酒食以享以祀又四章云神嗜飲食卜爾百福

訟

李花再實鴻飛降集仁哲權輿陰國

受福

無註

師

千歲之墟大國所屠不見子都城空

無家

無註

小畜

公子王孫把彈攝丸發輒有得室家  
饒足

無註

履

驪姬讒喜與二嬖謀譖殺恭子害賊  
忠孝申生以縊重耳奔逃

春秋左傳晉獻公嬖驪姬欲立其  
子奚齊賂外嬖梁五東關嬖五譖

毀群公子及世子申生恭子即申  
生也重耳晉文公名

泰

長生無極子孫千億栢柱載青堅固  
不傾

無註

否

失意懷憂如幽狴牢亡子喪夫附托

寄居

無註

同人

仁智隱伏麟不可得龍蛇潛藏虛居

堂室

無註

大有

捫絜累累締結難解嫫母銜嫁媒不

得坐自爲身禍

桀挈一作桀絜見比之蒙其義未  
詳嫫母黃帝第三妃貌醜而賢

謙

蜩飛墮木不毀頭足保我羽翼復歸  
其室

蜩蟬也詩五月鳴蜩

豫

陳嬀敬仲兆興齊姜乃適營丘八世  
大昌

按春秋傳陳嬀姓敬仲即陳公子  
完魯莊公二十二年奔齊使爲工  
正初懿氏卜妻敬仲曰有嬀之後  
將育于姜八世之後莫之與京姜  
齊姓營丘齊所封之地

隨



過時不歸雄雌苦悲徘徊外國與母  
分離

無註

蠱

齊魯爭言戰於龍門構怨結禍三世  
不安

按春秋魯成公二年春齊侯伐我  
北鄙圍龍頃公之嬖人盧蒲就魁

門焉龍人囚之齊侯親鼓三日取  
龍焉

臨

府藏之富王以振貸捕魚河海苟願  
多得

無註

觀

鳴鶴北飛下就稻池鱸鮪鯉衆多

饒有一狗獲兩利得過倍

無註

噬嗑

蒼梧鬱林道易利通元龜象齒寶貝  
南金爲吾福功

蒼梧鬱林皆地名

賁

兩火爭明雖鬪不傷分离且忍全我

弟兄

無註

剥

伯夷叔齊貞廉之師以德防患憂禍  
不存

伯夷叔齊孤竹君之二子武王伐  
紂諫之不食周粟遂餓而死論語  
云伯夷叔齊餓於首陽之下民到

于今稱之

復

季去我東髮櫛如蓬展轉空抹內懷

憂傷

抹當作牀

无妄

百足俱行相輔爲強三聖翼事王室

寵光

三聖堯舜禹也

大畜

壅遏隄防水不得行火盛陽光陰蜺  
伏藏退還其鄉

無註

頤

滕蛇乘龍年歲飢凶民食草蓬

春秋魯襄公二十八年梓慎曰虵

卷二 六十三  
乘龍龍宋鄭之星也宋鄭必飢

大過

鉛刀攻玉堅不可得盡我筋力胝爾  
爲候

無註

坎

恒山浦壽高邑所在陰氣下淋洪水  
不處勞人開戶

無註

離

比目四翼來安我國福善上堂與我

同床

無註

咸

杜口結舌心中拂鬱去菑患生莫所

告冤



無註

恒

牽尾不前逆理失臣忠莫往來衛朔  
以犇

按春秋桓公十二年衛侯晉卒朔  
立十三年左公子洩右公子職立  
公子黔年朔奔齊

遜

早霜晚雪傷害禾麥損功弃力飢無  
所食

無註

大壯

適戍失期患生無斯懼以懷憂發藏  
閉塞邦國騷愁

按春秋魯莊公八年齊侯使連稱  
管至父戍葵丘瓜時而往及瓜而

代期戊公問不至請代弗許故謀  
作亂

晉

昊天白日照臨我國萬民康寧咸賴  
嘉福

無註

明夷

元吉无咎安寧不殆時行則行勿之

有悔

無註

家人

懿公淺愚不深受謀無援失國爲狄  
所賊

春秋閔公三年狄人伐衛懿公好  
鶴鶴有乘軒者將戰國人皆曰使  
鶴遂爲狄所滅

睽

城上有烏自名破家喚呼鳩毒爲國  
患災

無註

蹇

長股善走趨步千里王良嘉言伯來  
在道申見王母

王良古之善馭者

解

耕石山顛費種家貧無聊處作苗髮

不生

無註

損

二人異路東趨西步千里之外不相

知處

無註

益

純服黃裳載土以興德義茂生天下

歸仁

純服色不雜也易坤卦六五黃裳

元吉文在中也

夬

五銑鐵頤倉庫空虛賈市無盈與利

爲仇

按韻註鍾口兩傍曰銑又云銑金  
之澤者鉄頤未詳

姤

登崑崙入天門過糟丘宿玉泉問惠  
觀見仁君

崑崙山在西北去嵩山五萬里其  
山高萬一千里河水出其東北陬  
天門泰山有大小天門視天門如



卷二  
從穴中望天窓糟丘紂爲酒池糟  
丘玉泉未詳

萃

團團白日爲月所食損上毀下鄭昭  
出走

春秋魯桓公十一年鄭昭公名忽  
立四月出奔衛

升

倉盈庾億宜稼黍稷年歲有息國家  
富有

詩楚茨篇我黍與與我稷翼翼我  
倉旣盈我庾維億

困

狼虎結謀相聚爲保伺齧牛羊道絕  
不通傷我商人

無註

井

木年摧折常恐不活老賴福慶光榮

輔相

無註

革

同載共輿中道分去喪我元夫獨爲

孤居

無註

鼎

飲酒醉酗跳躍爭鬪伯傷叔僵東家  
治喪

無註

震

出值凶災逢五赤頭姚言死格扶伏  
伏聽不敢動揺

未詳

良

狼虎爭強禮義不行兼吞其國齊晉  
無主

齊桓晉文假仁義以尊周室自桓  
文之後天下失霸則諸侯無主愈  
僭亂矣

漸

南國少子才畧美好求我長女薄賤

不與反得醜惡後乃大悔

無註

歸妹

一身兩頭莫適其驅亂不可治孰爲

湯漢

無註

豐

李耳彙鵠更相恐怯偃爾以腹不能

距格

史記龜策傳云蝟辱於鵠郭璞曰  
蝟能制虎見鵠仰地淮南畢萬曰  
鵠令蝟反腹者蝟憎其意而心惡  
之也彙鵠之彙當作蝟李耳未詳  
旅

松栢棟梁相輔爲強八哲五教王室  
寧康

舜命高辛氏才子八人分布五教  
於四方

巽

雀行求食暮歸孚乳反其室舍安寧

無故

無註

兌

四尾六頭爲凶作妖陰不奉陽上失



其明

無註

渙

一衣三闕結緝不便歧道異路日暮

不到

無註

節

牙孽生齒室當啓戶幽人利貞鼓翼

起舞

一作牙孽生達見遯之兌

中孚

春鴻飛東以馬質金利得十倍重載

歸鄉

無註

小過

懽悅以喜子孫具在守發能忍不見

殃咎

無註

既濟

精華消落形體醜惡齧齮挫頓枯槁  
腐蠹

齧齒不相值也齮齧也挫頓伊人  
去軒騰茲宇遂頓挫按韻府群玉  
出韓文

未濟

登高上山見王自言申理我冤得職  
蒙恩

無註

易林卷第二

